

ipsos concedimus facultatem, prohibentes districte, ne quis ipsos super præmissis libertatibus præsumat aliquatenus molestare. Si quis autem hoc attentare præsumserit, vindictam regiæ Maj:tis se nouerit incursum. In huius autem rei euidenciam plenior, sigillum nostrum & reuerendorum in Christo patrum Dominorum Vpsalensis et Lincopensis sigilla præsentibus literis duximus apponenda. Datum Östraros Anno Domini M.CC.LXXVI. X. Calend. Junij Anno Regni nostri primo.

612.

1276 d. 24 Maj.

Upsala.

Kon. MAGNUS Is: gåfvobref på gods i Westby, vid kröningen skänkt till Upsala Domkyrka.

A. 7. a. 1: 11.

Omnibus in christo fidelibus presentes litteras inspecturis. Magnus dei gracia Rex sweorum. salutem in domino. Quoniam dignum est pariter et honestum. vt sacrosancta mater ecclesia. ab omnibus christi fidelibus, amplius tamen ab hiis qui plus gracie assequuti sunt pariter et honoris, in omnibus, honoretur. Hinc est quod vniuersitati vestre tenore presentis declaramus. Nos ecclesie vpsalensi in die coronacionis nostre, duas marchas terre in Westbý de bonis regalibus, cum omnibus pertinentibus ad eadem contulisse perpetuo possidendas. & tantundem de patrimonio nostro pro collacione, premissorum, ad regalia addidisse JN cuius donacionis euidenciam & perpetuam firmitatem. presentem litteram sigillo nostro et sigillis venerabilium patrum. Dominorum Fulconis vpsalensis archiepiscopi. Henrici lincopensis. Erics skarensis. Annundi strengegensis Karuli arusiensis, Kietilli a-boensis. Aceri wexionensis eius suffraganeorum, qui tunc omnes affuerunt duximus roborandam Datum. Vpsalie anno Domini. M°.CC°.LXXVI. VIII. kal. Junij. Regni vero nostri anno primo.

Sigillen N:o 1, 2, 5, bortfallne, de öfrige 5, föga skadade, äro bibehållne.

613.

1276 d. 26 Maj.

Upsala.

Konung MAGNUS Is: Försäkran om kyrkogodsens frikallelse från Krono-Utskylder.

A. 7. a. 1: 10.

Omnibus in christo fidelibus presentes litteras inspecturis. Magnus dei gracia rex sweuorum, in domino salutem, Tenore presentium notum facimus et protestamur vniuersis, quod intentionis nostre est, & reuerendis patribus dominis fulconi vpsalensi archiepiscopo, ac ipsius suffraganeis promissimus bona fide, iura prelatorum et ecclesiarum a iuribus corone distinguere cum primum poterimus et habuerimus facultatem, volentes iuxta professionem